



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Aqvæ Vitæ, De Fontibvs Salvatoris. hoc est, Doctrina  
Evangelica De Meditatione mortis**

**Kispenning, Henricus**

**Antverpiæ, 1583**

Figura ij. Lapidis, in quo requieuit Iacob. Gens. xxviiij. lxxxviiij.

[urn:nbn:de:hbz:466:1-46214](https://nbn-resolving.org/urn:nbn:de:hbz:466:1-46214)

noſtri, aſſumpta humana natura, iram Dei aduerſus peccatum in ſe deriuans, pœnas peccati pro nobis ſuſtinuiſſet: factusque victima Deum placaret, & celum referaſſet: ſicq; genus humanum cum Deo in gratiam repoſuiſſet. Eam ob cauſam Deus nunc amantiſſime ſe ad nos accommodat, & dulciſſimo ſermone nos alloquitur, & ad ſe inuitat: & teſtatur ſe recipere, iuuare, & que ſaluare velle omnes, qui ducente Filio ipſum accedunt. SCALA igitur terra inſiſtens, & cacumine celum attingens, ipſe Dei filius eſt: qui aſſumpta humana natura, verus Deus & verus homo, coniungit terram cum celo: id eſt, Eccleſiam cum Deo. Depingitur etiam modus, quo beneficia Chriſti conſequimur. Vt enim Angeli in ſcala aſcendunt & deſcendunt: ita nos fide ac fiducia Mediatoris Chriſti Domini noſtri ad Deum accedimus. Sicut ſcriptum eſt: Per quem acceſſum habemus per fidem in gratiam iſtam, in qua ſtamus & gloriamur in ſpe gloriæ filiorum Dei. Fides & humilis Inuocatio, ſignificantur imagine aſcendentium Angelorum: deſcenſio verò docet nos à Deo exaudiri: & impetrare, que ſecundum eius voluntatem petimus.

1. Ioan. 5.

Itaque ampliſſimam hanc Conſolationem animis noſtris inſigamus: que adfirmat celum eſſe apertum, & aditum ad Deum nobis patefactum: Deum reſpicere inuocantes ipſum ac ſaluare: neque vllis tentationibus dimoueamur ab hac Scala, que eſt Filius Dei. Non eſt enim in alio aliquo ſalus: nec eſt aliud nomen ſub celo datum hominibus, in quo oporteat nos ſaluos fieri.

Act. 4.

## FIGURA II.

Chriſtus in LAPIDE, in quo requieſcit Iacob, præſignatus. Genesis 28.

Tulit Iacob de lapidibus qui iacebāt: & ſupponens capiti



capiti suo, dormiuit in eodem loco. Viditque in  
sommis Dominum innixum scalæ dicentem sibi:  
Ego sum Dominus Deus Abraham patris tui, &  
Deus Isaac. Ero custos tuus quocūq. perrexeris.

## FIGURÆ EXPLICATIO.

**VT** Scala quam vidit Jacob in somnis Christum **CAPVT**  
significat: ita & LAPIS, quem capiti suo pului- **LXXXVIII**  
naris loco supposuit, in quo & suauiter quieuit, eundem

D. N. Iesum Christum designat. De quo Apostolus 1. Pet. 2.

Petrus sic dicit: Ad quem accedentes, LAPIDEM VI-  
VVM, ab hominibus quidem reprobatum, à Deo autem

electum & honorificatum, & ipsi tanquam lapides vivi  
super aedificamini domus spiritualis &c. Propter quod,

inquit, continet Scriptura: Ecce pono in Sion lapidem **Esa. 28.**

preciosum, angularem, probatum, electum, pretiosum.  
Et qui crediderit in eum, non confundetur. **Rom. 9.**

Ut ergo Iacob in lapide dormiens diuina consolatione confirmatur: **Chryl. hom. 54. in Genes.**

ita & nos respicientes in Christum, & fide in eo quies-  
centes, gloriemur etiam in tribulationibus: Vide autem

magnum Promissionum diuinarum pondus. Ero, inquit,  
CUSTOS TVVS, quocunq. perrexeris: & reducam te

in terram hanc. Ne putes, ait, quod solus iter facias: me  
habebis itineris comitem: me habebis custodem in omni

via: omnia tibi difficilia, facilia reddentur: minime te  
derelinquā. Quomodo quis pro dignitate admirabitur

in tantam Misericordiam? Iam cogita rursus & iusti **Genes. 31.**

magnum gratitudinem: quod post illas promissiones, apud  
Iacob viginti annis laboribus afflictus non grauatum

erat, non segnior fuit tanto tempore: sed omnia fortiter  
sustinuit, expectans promissionum tempus: sciens quod

non sit possibile intercidere quæ à Deo dicta sunt: maxi-  
me, & nos adferre nostra studeamus, FIDEM & OBE-

DIENTIAM: & ita bene fidamus his, quæ à Domino  
promissa



194 FIGVRÆ ET IMAGINES CHRISTI.  
promissa sunt. Hac est enim vera fides, non attendere  
ea que videntur, etiamsi omnino sint aduersa promissio-  
ni: sed solam promittentis potentiam.

FIGVRA III.

Christus verus agnus paschalis, pro nobis  
immolatus. *Exodi 12.*

Tollat vnusquisque Agnum per familias & domos  
suas. Erit autem Agnus absque macula. Et su-  
ment de sanguine eius, & ponent super vtrumque  
postem, & in superliminaribus domorum, in  
quibus comedent illum. Erit autem sanguis vo-  
bis in signum, & videbo sanguinem, & transibo  
vos: nec erit in vobis plaga disperdens, quando  
percussero terram Ægypti.

FIGVRÆ EXPLICATIO.

CAPVT  
LXXXIX.  
1. Cor. 5.  
1. Pet. 1.

Ioan. 1.

**H**anc historiam typum seu imaginem esse D. N.  
Iesu Christi, Apostolus Paulus docet: Pascha  
nostrum, inquit, immolatus est Christus. Et S. Petrus  
dicit: Non corruptilibus auro vel argento redempti  
estis: sed pretioso sanguine quasi Agni immaculati Chri-  
sti & incontaminati. Neque dubium est, quin Ioannes  
Bapt. respexerit ad hanc historiam, dum Christum ve-  
nientem ad se videns, ait: Ecce AGNVS DEI: ecce qui tol-  
lit peccata mundi. Est enim Christus Dei Agnus, in-  
narrabili Dei consilio constitutus & nobis donatus, ut  
fieret VICTIMA, in quam Deus effunderet iram suam,  
qua ardebat aduersus peccatum. Nam Paschalis ille,  
sicut & alij agni à sacerdotibus in sacrificium adhibiti &  
mactati non senserunt, nec placauerunt iram Dei: sed  
tantum typi fuerunt huius vera Victimæ, que sola au-  
fert peccata mundi: cuius pretioso sanguine redempti &  
liberati sumus, & salui facti ab ira Dei. Hic est Agnus